

午，沿鹹灘中羊戶所行之山道至大墩子。當晚返雅爾湖住次。此在吐魯番西南視察之情形也。

雅爾湖工作完後，三月二十日始將採集品二十六箱運至吐魯番前西北科學考察團所設立之氣象測候所存放。二十一日上午，向哈拉和卓—三堡首途。下午二時，全隊離雅爾湖，繞道讓布工商，考察古城。

初向南行；出土子諾克塔格溝口，轉東南行；過攝提項村莊，轉東行；沿讓布工商渠東南行，渠水自雅爾湖溝中流出，以灌讓布工商者，故以地名名渠。晚七時半至讓布工商，住一維族家中。讓布工商漢名二工，在西尚有頭工，為清光緒中屯墾之地。頭工置一百五十戶，二工置一百二十戶，後售與本地居民，故現為維族及回族所有。此地古址有二：一為汗土拉，距舊城五里許，屹立於戈壁上。城為黑沙泥土坯所砌，牆高丈餘，週約二百步，城旁建築之房屋，牆壁尚存。壁中掏空為圭形洞穴，以置被褥用具者，與當地現代住宅相同，蓋為近代築。據說：『由此土拉至大墩子十里二十里不等，均有土拉，與此土拉東西成一斜線』。大墩子西北約五里許，有安集延時代之舊營壘，名哈拉玉爾滾，與此土拉或為一時所築。考查既畢，轉南行，至古城處。古城在讓布工商村莊之東，地名衛忙坎爾仔。城牆已圯，惟東牆及西牆之一隅，尚有遺址，南北牆因農民挖取城土肥田，已無遺迹可驗。城之南部均已開墾成耕地。北部間有低隆不平者數處，居民稱為『學堂』，陶片甚多，在此檢拾紅底黑花彩陶片數塊，其花紋與雅爾湖舊城中所出者相同。此城疑與交河高昌諸城為同一時期之遺迹。（參考附圖三、讓布工商古城圖）又據本地居民云：『在此城之西約三十里許，有一舊城，名安集占不周窪，因有安集延人之麻札，故名。地名帕格布拉克，漢名頭工，城牆已圯。但其城基遺迹，尙可看見』。惜因時間所限，未及前往。

4. 哈拉和卓古墳院之勘查、及赴魯克沁途中當讓布工商工作完畢後，次日由小侯、汗木多利帶隊直至哈拉和卓。我偕毛拉至吐魯番購備什物。二十四日晚，返哈拉和卓，二十五日開始工作古城。數日辛苦，毫無所獲。蓋勒柯克在此窮力搜掘，盜竊已盡。三十日乃改作古墳。在哈拉和卓附近有古墳三區：一、在古城西北里許，其面積之大過於雅爾湖；著名之張懷寂墓亦在此區。二、在古城東北三里許，當往吐峪溝途中，古墳亦多，其狀與西北區同。在此處掘取墓表兩方，一為朱書題『河西王通事舍人張季宗之墓表夫人敦煌宋氏』，無年號及年月日。一為墨書『章和七年平遠府祿事參軍張歸宗夫人索氏墓表』，